




«ՊԱՏՎՈՆ ՆՇԱՆ» ԾԲԱՆՇԱՆԻ ՊԱՇՏՈՆԱԿԱՆ ՀԱՆՁՆՈՒՄԸ ՀԱՅՈՑ ՎԵՀԱՓԱՌ ՀԱՅՐԱՊԵՏԻՆ

Սեպտեմբերի 28-ին, երկուշաբթի օրը, Հայկական ՍՍՀ Գերագույն սովետի նախագահության նախագահ, մեծահարգ Նագուշ Հարությունյանը նախագահական պալատում և հանդիսավոր իրադրության մեջ Ամենայն Հայոց Վեհափառ Հայրապետին է հանձնում պաշտոնապես, հանուն ՍՍՀՄ Գերագույն սովետի նախագահության, «Պատվո նշան» շքանշանը, Նրա՝ հանուն խաղաղության պաշտպանության հայրենասիրական մեծ գործունեության համար և ծննդյան 60-ամյակի կապակցությամբ:

Ծջանշանի հանձնման հանդիսությանը ներկա էին՝ Գերագույն հոգևոր խորհրդի անդամներ տ. Հայկազուն արքեպ. Աբրահամյանը, տ. Կոմիտաս եպս. Տեր-Ստեփանյանը, պրոֆ. Ա. Առաքելյանը, Ս. Մելիքսեթյանը և «Էջմիածին» ամսագրի խմբագիր Ա. Հատիսյանը:

Հանդիսությանը ներկա էին նաև՝ ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դալլաքյանը, Արտասահմանյան երկրների հետ բարեկամության և մշակութային կապի հայկական ընկերության նախագահ Ռ. Պարսամյանը, Սփյուռքահայության հետ մշակութային կապի կոմիտեի նախագահ Վ. Համազասպյանը, Ներգաղթ կոմիտեի նախագահ Ս. Գասպարյանը, Խաղաղության պաշտպանության հանրապետական կամիտեի նախագահ գրող Նաիրի Զարյանը և անդամներ, ճարտարապետների միության նախագահ Վ. Հարությունյանը, բանաստեղծուհի Ս. Կապուտիկյանը, Մաշտոցի անվան Մատենադարանի դիրեկտոր Լ. Խաչիկյանը, «Հայրենիքի ձայն» շաբաթաթերթի խմբագիր Կ. Վարդանյանը, մամուլի և հեռուստատեսության թղթակիցներ:

Հայկական ՍՍՀ Գերագույն սովետի նախագահության քարտուղար Ա. Գալստյանը ընթերցում է ՍՍՀՄ Գերագույն սովետի նախագահության սեպտեմբեր 19 թվակնի հրամանը՝ Հայոց Հայրապետին «Պատվո նշան» շքանշանով պարգևատրելու մասին:

Հրամանագիրը, որի ընթերցումը ունկնդրվում է հոտանկալս, տպված է «Էջմիածին» ամսագրի սույն համարի երրորդ էջում:

Այնուհետև: Հայկական ՍՍՀ Գերագույն սովետի նախագահության մեծահարգ նախագահ Նագուշ Հարությունյանը հանձնելով «Պատվո նշան» շքա-



ՀԱՅ ԳԵՂԱՐԱՊՈՒՅՆ ՄԱՍԻՏԻ ՆԱԽԱԳԱՀԱՐԱՐՈՒԹՅԱՆ ՆԱԽԱԳԱՀ ՆԱԳՈՒԾ ՀԱՐՈՒԹՅՈՒՆՅԱՆԸ ԾԱՌԱՎԱՐՈՒՄԻՆ Է ՀԱՅՈՑ ՀԱՅՐԱՊԵՏԻՆԻ՝
«ՊԱՏԱՐՈՒՆՆԵՐ» ԾԲԱՆԵՐՆԻ ՏՎԵՐԿԱԹՅԱՆ ԱՌԹԻՎ

նշանը Հայոց Հայրապետին, Նրան դիմում է հետևյալ շնորհավորական ողերձով.

Մեծարգո Վեհափառ,

Թանկագին բարեկամներ և հարգելի հյուրեր,

Թույլ տվեք Սովետական Սոցիալիստական Հանրապետությունների Միության Գերագույն սովետի նախագահության, մեր հանրապետության Գերագույն սովետի նախագահության և կառավարության անունից ի սրտե ողջունել Ձեր արգասավոր կյանքի 60-րդ տարելիցը և շերմորեն շնորհավորել Ձեզ՝ կառավարական բարձր պարգևի՝ «Պատվո նշան» շքանշանի արժանանալու առթիվ:

Սովետական Միության այս բարձր պարգևը հանձնելուց հետո, մեր սիրելի ու մեծարգո Վեհափառ, ես կցանկանայի ամենից առաջ մաղթել Ձեզ քաջառողջություն, անհատնում եռանդ ու կորով, հոգու արիություն՝ խաղաղության պաշտպանության Ձեր հայրենասիրական մեծ գործունեության համար:

Ձեր ամբողջ կյանքն ու բեղմնավոր գործունեությունը, Ձեր ազնիվ ու հայրենաձվեր աշխատանքը միշտ ծառայել է մեր վերածնված ու պետականություն ձեռք բերած հայ ժողովրդին, մեր հարազատ մայր հայրենիքին՝ Սովետական Հայաստանին, այն հնավանդ ու նվիրական հողին, ուր մեր հերոսական ու ողբերգական անցյալն է հանգչում, և ուր ծաղկում է մի բարգավաճ ներկա՝ ապագայով հարուստ ու իմաստալից մի իրականություն:

Խաղաղության պաշտպանության Ձեր մարդասիրական մեծ գործունեության այսօրվա արժանավայել գնահատումը առանձնապես մոտ է մեր ժողովրդի սրտին ու մտքին, որովհետև ո՛վ-ով, բայց հայ ժողովուրդը լավ գիտե խաղաղության զինն ու արժեքը: Նա գիտե, որովհետև խաղաղությունը դարեր շարունակ նրա ազգային մեծագույն երազանքն է եղել և միայն մեր մեծ Միության ժողովուրդների եղբայրության հզոր ու անսասան հովանու ներքո նա գտավ խաղաղ ու ստեղծագործ կյանքի իր ապահով հանգրվանը:

Մեծարգու Վեհափառ, թույլ տվեք կրկին անգամ սրտագին ու շերմորեն ողջունել Ձեր 60-րդ տարելիցը և ցանկանալ Ձեզ նորանոր հաջողություններ՝ խաղաղության պաշտպանության Ձեր հայրենասիրական մեծ գործունեության մեջ՝ հանուն մեր ժողովրդի, հանուն մեր մայր հայրենիքի:

Ապա Հայոց Հայրապետը մեծահարգ նախագահին է ուղղում հետևյալ շնորհակալական և երախտագիտական նաղը.

Մեծարգո Տիար Նախագահ,

Հայաստանյայց առաքելական եկեղեցու և անձամբ Մեր անունից, խորագգաց շնորհակալություն ենք հայտնում Սովետական Միության Նախագահության Մեզ շնորհած «Պատվո նշան» շքանշանի համար, որ Ձերդ Վսեմությունը հանձնեցիք Մեզ հանդիսավոր այս պահին:

Շնորհակալություն նաև Ձեզ և մեր հայրենի հարազատ կառավարության:

Իբրև հայ եկեղեցու հովվապետ, անխզելիորեն կապված ենք Ձեզ մեր ժողովրդի և մեր վերածնված մայր երկրի հետ և հետևաբար Մեր բոլոր ուժերով աշխատում ենք Մեր խղճի պարտքը կատարել թե՛ հոգևոր, թե՛ ազգային-հայրենասիրական իմաստով:

Մեր գործունեության կարևոր մեկ ասպարեզն ենք նկատում Մեր մասնակցությունը՝ աշխարհի խաղաղության պաշտպանության դատին և ժողովուրդների բարեկամության գաղափարի կենսագործման:

Մենք լծված ենք այս առաքելության, խոր գիտակցությամբ Մեր հոգևոր

կոչումին և մեր փոքրիկ ժողովրդի կենսական և տնական շահերին: Այդ նույն գիտակցությամբ էլ պիտի շարունակենք Մեր աշխատանքը, նույն ոգին ներշնչելով նաև մեր եկեղեցու սպասավորներին և հավատացյալներին, ի Հայաստան և ի սփյուռք աշխարհի:

Այս պատվանշանը, որը Մեզ հանձնեցիք այսօր, Մեզ ավելի է պարտավորեցնում, Մեզ ավելի է խրախուսում և զորացնում:

Թող Աստված հավետ խաղաղ ու անվտանգ, շեն ու պայծառ պահպանի մեր մայր հայրենիքը:

Թող Աստված հավետ խաղաղության մեջ պահպանի աշխարհը համայն և եղբայրական սիրով ջերմացնի հոգիները բոլոր մարդկանց և ժողովուրդների:

Կառավարական պարզևի հանձնումից հետո, Հայաստանի հանրապետության մեծահարգ նախագահը Հայոց Հայրապետին ջերմորեն շնորհավորում է բարձր պարզևի առթիվ և Նրան քաջաոռոջություն է բարեմաղթում:

Հայոց Հայրապետին ջերմորեն շնորհավորում են նաև՝ տ. Հակազուն արքեպիսկոպոսը՝ հանուն հայ եկեղեցու, Մայր Աթոռի և հայ ժողովրդի, բանաստեղծ Նաիրի Զարյանը՝ հանուն Խաղաղության պաշտպանության հանրապետական կոմիտեի, ճարտարապետ Վարազդատ Հարությունյանը՝ հանուն ճարտարապետների միության և Մայր Աթոռին առընթեր ճարտարապետական հանձնաժողովի, Վ. Համազասպյանը՝ հանուն Սփյուռքահայության հետ մշակութային կապի կոմիտեի:

Վերջում Վեհափառ Հայրապետը սրտագին շնորհակալական խոսք է ասում հայրենի կառավարությանը և կենտրոնական կառավարությանը՝ պետական բարձր պարզևի համար:

